



## COMUNE DI ORISTANO

Comuni de Aristanis

Piazza Eleonora d' Arborea n° 44, 09170

[www.comune.oristano.it](http://www.comune.oristano.it)

# ORDINÀNTZIA DE SU SÌNDIGU N° 23 DE SU 12/08/2020

**Ogetu: ORDINÀNTZIA CONTINGÌBILI E DE APRETU PO SA TUTELA DE SU DECORU, DE SU BIVI BENI E DE SA SALUDI PÙBLICA - PROIBBIDURA DE FUMAI E DE LASSAI ÀLIGA DE IS PRODUTUS PO FUMAI IN TOTU IS SPIÀGIAS CHI ARRUINT IN SU TERRITÒRIU COMUNALI**

### SU VISU SÌNDIGU

#### Postu in antis ca:

1. segundu is datus de su Ministeru de sa Saludi e de s'Istitutu Superiori de sa Sanidadi su fumai tabacu est unu de is primu nexis de morti e de disabilitadi in sa populatzioni, aici de giustificai s'iniziativa de is Amministratzionis Pùblicas chi pennant a scorai custa ìndula mala;
2. in prus de assegurai su respetu de is normas in vigori in matèria de fumai me in is localis abertus a su pùblicu, po assegurai una tutela prus manna de sa saludi pùblica giustificat su regulamentai sèmpiri prus a strintu custus cumportamentus, finas tenendi contu de is logus abertus anca andant sugetus prus dèbilis comenti a pipius e fèminas pringias;
3. s'interessu pùblicu de primori de totu is Amministratzionis Pùblicas est cussu de assegurai seguresa, su bivi beni e sa saludi de is citadinus insoru;
4. est interessu de primori de s'Amministratzioni tutelai is spiàgias tzitadinas sendi parti de s'ecosistema urbanu;
5. sa Corti Costitutzionali, cun sentèntzia n. 399 de su 20/12/1996 narat ca "*sa tutela implicat non sceti situatzionis ativas de pretesa, ma contat - in prus de mesuras de preventzioni - finas su doveri de non ferri e nemancu de poni in perìgulu cun su pròpiu cumportamentu sa saludi de is àterus. Po tanti, candu di prefilat ca no andant beni impari deretu de sa saludi, protègidu po Costitutzioni, e is cumportamentus liberus chi non funt inderetura arremonaus in sa Costitutzioni, si depit donai prus importu a su primu*";



## COMUNI DE ARISTANIS

---

6. sa salia chi ddui est me in is cicas de sigareta podit essi veìculu potenziali de trasmissioni de maladies viralis.

**Bida** sa lei n. 221 de su 28/12/2015 chi ndi at cumpretau e mudau unus cantu disponimentus chi ddui funt in su Testu Ùnicu Ambienti chi est in su D.Lgs. n.152/2006, "*Normas in matèria de gestioni de s'àliga e de sa bonìfica de is logus incuinaus*" e in mesu a totu s'art.232 bis "*Àliga de is produsus de su fumai*" e s'art. 232 ter "*Proibbidura de lassai àliga pitia*".

### **Cunsiderau ca:**

1. s'àliga chi ndi bessit de su fumai sigaretas est materiali chi non biodegradat e tenit una surra de partis chi noxint a s'ambienti;
2. a spaniai in su solu pùblicu e me in is spiàgias is cicas de sigareta sa genti ddu biit comentis a sinnali de gradu ambientali e urbanu.

**Cunsiderau ca** sa tenta de custa Amministratzioni est cussa de andai contras a s'avesu malu de lassai s'àliga de is produsus de su fumai in su solu pùblicu e in mesu a totu me in is spiàgias e me in s'àcua chi, in prus de incuinai s'ambienti, sbisuriant meda su decoru urbanu naturali.

**Crètiu oportunu** poni a craru unuas cantu measuras chi si creint futas po acumpriri is punnas arremonadas asuba, chi podint tutelai a is tzitadinus e a is abisitadoris de su territòriu comunali siat po su chi pertocat sa parti igiènica-sanidària siat cussa estètica e de decoru ambientali.

**Arreconnotu a craru ca** torrat me in is cumpetèntzias de su Sìndigu, sendi rapresentanti de sa comunidadi locali, a fai ordinàntzias contingìbilis e de apretu cunforma a s'art.50, co.5 de su D.Lgs. 267/2000 (T.U.E.L.).

**Biu** su Decretu Legislativu n. 152 de su 3 de abril de su 2006 e mudaduras e aciuntas afatantis "*Còdixi de s'Ambienti*".

**Bida** sa Lei 833/1978

**Bius** is artt. 50 e 54 de su D.Lgs. 18/08/2000 n. 267.

## ÒRDINAT

Tenendi contu de totu su chi s'est nau asuba, movendi de sa data de publicatzioni de custa ordinàntzia e finas a su 31 de su mesi de ladàmini de su 2020 totu is tzitadinus, residendi o sena de teni residèntzia in su Comunu de Aristanis non podint fumai in totu is spiàgias chi arruint in su territòriu comunali, aici etotu in cussas in cuncessioni, finas a unu tretu atesu 40 metrus de oru de mari e in totu is pinedus de su territòriu de cumpetèntzia de su Comunu de Aristanis.

## PONIT A S'AVÈRTIA

Su de non poni in menti a custa ordinàntzia, sarvu aprichendi s'art. 650 de su Còdixi Penalì o de is àteras leis e Regulamentus generalis e specialis in matèria de tutela de s'ambienti, igieni pùblica est puniu cun santzionis amministrativas postas in contu in s'art. 7-bis de su D.Lgs. n. 267/2000 de Èurus 25,00 a Èurus 500,00;



## COMUNI DE ARISTANIS

---

### **DISPONIT IN PRUS**

De publicai custa Ordinàntzia in s'albu pretòriu cuìndixi diis totu de s'ghida e a nci dda poni in modu de si biri beni in sa pàgina principali de su giassu istituzionali de s'Enti.

### **AVISAT**

Cunforma s'art. 3, comma 4, de sa lei n. 241 de su 1990, contras a custa Ordinàntzia s'ammitit aintru de 60 diis de sa publicatzioni, arrecursu a su Tribunali Amministrativu po sa Sardigna, o sinuncas, arrecursu Straordinàriu a su Presidenti de sa Repùblica, de proponi aintru 120 diis movendi de sa matessi data de publicatzioni.

De sa Residèntzia Municipali, su 12/08/2020

**Dda firmat su Visu Sìndigu  
SANNA MASSIMILIANO  
a manera digitali**